



Broj: 09-23-1146/19
Fojnica, 20.11.2019.god.

OBAVIJEST

SVIM VLASNICIMA PASA NA PODRUČJU OPĆINE FOJNICA

Obavještavaju se svi VLASNICI PASA na području općine Fojnica, da su prema članu 17. Zakona o veterinarstvu (Službene Novine Federacije BiH 46/00), prema Naredbi o kontroli kretanja zaraznih i parazitnih bolesti za 2019, odredbama Pravilnika o identifikaciji i vođenju evidencije pasa, mačaka i pitomih vretica u BiH („Službeni glasnik BiH“, br.96/16 i 34/19) kao i prema Pravilniku o mjerama za suzbijanje i iskorjenjavanje bjesnila kod životinja (Službeni glasnik BiH, broj 74/19) izvršiti obaveznu prijavu svoga psa u jedinstveni registar pasa koji se vodi u Veterinarskoj stanici Fojnica.

Svi vlasnici pasa obavezni su izvršiti zakonsko označavanje svoga ljubimca, zakonski propisanom oznakom, a to je mikročip koji se ugrađuje ispod kože kod psa.

Registracija i označavanje možete izvršiti u prostorijama „Veterinarske stanice Fojnica“, svakim radnim danom. Ukoliko u jednom naseljenom području postoji veći broj pasa za obaveznu registraciju, vlasnici pasa o tome mogu obavjestiti veterinarsku stanicu, te se može izvršiti zajednička registracija za sve pse u jednom naselju, kako bi izbjegli pojedinačne, dodatne troškove vlasnicima pasa.


NAPOMENA: Ne ispunjavanje ovih obaveza kažnjivo je prema članu 145 Zakona o veterinarstvu u rasponu od 300 do 1500 konvertibilnih maraka za neodgovorne vlasnike. Period izvršenja obaveze je 30 dana

Nakon isteka perioda od 30 dana nastavit će se upis vlasničkih pasa, s tim da će nakon ovog predviđenog perioda, na teren izlaziti mjerodavne kantonalne Veterinarske inspekcije koje će kod vlasnika vršiti očevid, evidentirati neprijavljene vlasničke pse i po zatečenom stanju sankcionirati (novčano kažnjavati) one vlasnike kod kojih se uoče nepravilnosti i odstupanja od propisanih odredbi Zakona o veterinarstvu i Zakona o zaštiti i dobrobiti životinja.

Ove mjere sprovode se paralelno sa drugim aktivnostima smanjenja broja pasa lutalica na području Općine Fojnica u svrhu suzbijanja korijena ovog problema, a to je neodgovorno vlasništvo. Izvor populacije pasa na ulici jeste: napuštanje od strane vlasnika vlasničkih pasa i njihovih potomaka, napuštanje od strane uzgajivača, slobodna reprodukcija postojeće generacije napuštenih pasa, lutajući nesterilisani vlasnički psi koji doprinose reproduktivnom potencijalu napuštenih životinja. Pored zakonskih odredbi na snazi koje se moraju provoditi i na koje se pozivamo, krajnji cilj ovih aktivnosti jeste kontrolirano i održivo upravljanje populacijom pasa na cijelom području općine Fojnica.

DOSTAVLJENO:

- Mjesne zajednice na području općine Fojnica
- Istaknuto na svim oglasnim tablama



POMOĆNIK NAČELNIKA
Alen Cvetković prof.

Alen Cvetković